

## ქალაქ თბილისის მუნიციპალიტეტის ვაკის რაიონის გამგეობა



ქალაქ თბილისის მუნიციპალიტეტის ვაკის რაიონის გამგეობის მიერ შერეულ ორთაბრძოლაში  
„ვაკის თასი 2016“-ის ღია ჩემპიონატის ჩატარების ორგანიზების მომსახურების სახელმწიფო  
შესყიდვის გამარტივებული ელექტრონული ტენდერი

(CPV 92622000)

### სატენდერო დოკუმენტაცია

---

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“  
საქართველოს კანონის 12<sup>1</sup> მუხლის, „გამარტივებული ელექტრონული ტენდერისა და ელექტრონული  
ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს  
თავმჯდომარის 2011 წლის 07 აპრილის №9 ბრძანების საფუძველზე

ქ. თბილისი  
2016 წელი

## სარჩევი

|                                                             |    |
|-------------------------------------------------------------|----|
| 1. ინსტრუქცია ტენდერში მონაწილეთათვის.....                  | 3  |
| 2. ტექნიკური დოკუმენტაცია.....                              | 4  |
| 3. სახელმწიფო შესყიდვის შესახებ ხელშეკრულების პროექტი ..... | 6  |
| 4. დანართი N1 რეკვიზიტები.....                              | 9  |
| 5. დანართი N2 ფასების ცხრილი .....                          | 10 |
| 6. დანართი N3 ინფორმაცია გამოცდილების შესახებ .....         | 11 |

1. ინსტრუქცია ტენდერში მონაწილეთათვის

1.1. გამარტივებული ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის (შემდგომში სისტემა) მეშვეობით.

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების შესაბამისად.

1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, თამარაშვილის ქ. N10ა, საკონტაქტო პირი: ნათელა ელიზბარაშვილი ტელ: 2 31 88 45

.

2. შესყიდვის ობიექტის ტექნიკური დავალება:

2.1. მიმწოდებელმა უნდა უზრუნველყოს ქალაქ თბილისში, ვაკის რაიონის ტერიტორიაზე - კუს ტბაზე, ღია ჩემპიონატის „ვაკის თასი 2016“-ის ჩატარება შერეულ ორთაბრძოლაში. ჩემპიონატი წარიმართება საერთაშორისო სტანდარტებისა და წესების დაცვით. ქართველ სპორტსმენებთან ერთად ტურნირში მონაწილეობას მიიღებენ თურქეთიდან ჩამოსული სტუმრებიც. შეჯიბრს გაუძღვება წამყვანი და მოემსახურებიან მსაჯები. გამარჯვებულები დაჯილდოვდებიან თასებით, სიგელებით, მედლებითა და ფულადი პრიზებით.

2.2.1 მიმწოდებელმა უნდა უზრუნველყოს:

**გასაწევი მომსახურება:**

- ტენდერში გამარჯვებულმა კომპანიამ უნდა უზრუნველყოს ღია ჩემპიონატის - „ვაკის თასი 2016“ ჩატარება კუს ტბაზე.
- ღონისძიების ჩატარების თარიღი: არა უგვიანეს 2016 წლის ოქტომბრის თვე.
- ღონისძიების ჩატარებასთან დაკავშირებული ყველა დეტალი მიმწოდებლის მიერ წინასწარ უნდა შეთანხმდეს შესყიდველთან.
- მიმწოდებელმა უნდა უზრუნველყოს არანაკლებ 40 სპორტსმენის მონაწილეობა ჩემპიონატში.
- მიმწოდებელმა უნდა უზრუნველყოს ღონისძიების ჩატარების ადგილის მომზადება ყველა საჭირო ინვენტარით - რინგი და ტატამი ბრძოლისთვის.
- მიმწოდებელმა უნდა უზრუნველყოს 2 ცალი სარეკლამო ბანერის (ზომით 150/200) და 3 ცალი A2 ფორმატის რაუნდების ბანერების დამზადება (ბანერების დიზაინი დამკვეთთან შეთანხმებით).
- მიმწოდებელმა უნდა უზრუნველყოს 2 პრომო გოგონას მომსახურება, რომლებიც გახსნიან ჩემპიონატს.
- მიმწოდებელმა უნდა უზრუნველყოს 5 მსაჯისა და 1 წამყვანის მომსახურება.
- მიმწოდებელმა უნდა უზრუნველყოს 1 ექიმის მომსახურება.
- მიმწოდებელმა უნდა უზრუნველყოს 40 ცალი A2 ფორმატის, ფერადი, მაღალი ხარისხის სარეკლამო აფიშის (დიზაინი დამკვეთთან შეთანხმებით) დაბეჭდვა და გავრცელება.
- ჩემპიონატის დასასრულს მიმწოდებელმა უნდა უზრუნველყოს საზეიმო დახურვა ფეიერვერკით.

**პრიზები:**

ჩემპიონატის მონაწილეები დაჯილდოვდებიან თასებით, სიგელებით, მედლებითა და ფულადი პრიზებით. საპრიზო ფონდი შეადგენს 700.00 (შვიდას ლარს) ლარს.

10 ცალი თასი (ოქროსფერი, სიმაღლე არანაკლებ 40 სმ. გრავირება დამკვეთთან შეთანხმებით), 20 ცალი ოქროსფერი გრავირებული მედალი (წარწერა დამკვეთთან შეთანხმებით), 25 ცალი სიგელი და 7 ცალი ფულადი პრიზი (7 გამარჯვებულს-თითოს 100-100 ლარიანი ფულადი პრიზი).

3. გასაწევი მომსახურების ადგილი, ვადები და პირობები:

3.1. მიმწოდებელმა უნდა უზრუნველყოს წინამდებარე ტექნიკური დავალების მე-2 მუხლით გათვალისწინებული მომსახურების გაწევა არაუგვიანეს 2016 წლის ოქტომბრის თვისა (ტურნირის ჩატარების თარიღი დაზუსტდება ხელშეკრულების გაფორმების ეტაპზე).

3.2. მომსახურების გაწევის ადგილი: ქალაქი თბილისი, კუს ტბის მიმდებარე ტერიტორია.

4. შესყიდვის სავარაუდო ღირებულება:

შესყიდვის სავარაუდო ღირებულება შეადგენს: 5000.00 (ხუთიათასი ლარი და 00 თეთრი) ლარს.

5. ანგარიშსწორების პირობები:

5.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

5.5.2 ანგარიშსწორება მოხდება უნადლო ანგარიშსწორებით ლარში.

5.5.3 ანგარიშსწორება მოხდება მიღება-ჩაბარების აქტის გაფორმებიდან 10 სამუშაო დღის განმავლობაში.

5.5.4 საავანსო ანგარიშსწორება არ გამოიყენება.

5.5.5 დაფინანსების წყარო ქალაქ თბილისის მუნიციპალიტეტის 2016 წლის ბიუჯეტით ვაკის რაიონის გამგეობისთვის დამტკიცებული ასიგნებები.

6. პრეტენდენტის მიერ სისტემაში ასატვირთი მონაცემები:

6.1. პრეტენდენტმა უნდა წარმოადგინოს რეკვიზიტები დანართი №1-ის მიხედვით.

6.2. გასაწევი მომსახურების ფასების ცხრილი დანართი №2-ის მიხედვით.

6.3. ინფორმაცია 2014 წლიდან დღემდე სპორტული ღონისძიების ორგანიზების მომსახურების გაწევის შესახებ დამკვეთების მითითებით<sup>1</sup>.

7. ფასწარმოქმნის ადექვატურობის დასაბუთება<sup>2</sup>:

7.1 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადექვატურობის დამადასტურებელი დოკუმენტი.

7.2 ფასწარმოქმნის დამადასტურებელ დოკუმენტაციად წარმოდგენილ უნდა იყოს პროფორმა ინვოისი.

---

<sup>1</sup> გამოცდილება აუცილებელი მოთხოვნაა, რაც უნდა დადასტურდეს შესაბამისი ხელშეკრულებ(ებ)ით

---

<sup>2</sup> სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-11 მუხლის მე-2<sup>1</sup> პუნქტი.

ხელშეკრულება სახელმწიფო შესყიდვის შესახებ (პროექტი)  
გამარტივებული ელექტრონული ტენდერი SPA  
დაფინანსების წყარო - ქალაქ თბილისის მუნიციპალიტეტის 2016 წლის ბიუჯეტით ვაკის რაიონის  
გამგეობისთვის გამოყოფილი ასიგნებები

(ხელშეკრულების პირობები შეიძლება შეიცვალოს ან/და დაზუსტდეს ხელშეკრულების გაფორმების ეტაპზე)

ქ. თბილისი

\_\_\_\_\_ 2016 წ.

ვაკის რაიონის გამგეობა, შემდგომში წოდებული „შემსყიდველად“, წარმოდგენილი გამგებლის \_\_\_\_\_ სახით და შემდგომში წოდებული „მიმწოდებლად“, წარმოდგენილი ხელმძღვანელის \_\_\_\_\_ სახით ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - ვაკის რაიონის გამგეობის მიერ გამოცხადებული გამარტივებული ელექტრონული ტენდერის SPA \_\_\_\_\_ ტექნიკური დავალება.

2. ხელშეკრულების საგანი

ქალაქ თბილისის მუნიციპალიტეტის ვაკის რაიონის გამგეობის მიერ შერეულ ორთაბრძოლაში „ვაკის თასი 2016“-ის ღია ჩემპიონატის ჩატარების ორგანიზების მომსახურების სახელმწიფო შესყიდვა.

(CPV-92622000)

3. ხელშეკრულების ღირებულება და მომსახურების გაწევის ვადა

- 3.1. ხელშეკრულების ღირებულება შეადგენს: \_\_\_\_\_ ლარს.
- 3.2. ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელი, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 3.4. მომსახურების გაწევის ბოლო ვადაა:
- 3.5. მომსახურების გაწევის ადგილია: ქალაქი თბილისი, კუს ტბის მიმდებარე ტერიტორია.

4. მხარეთა ვალდებულებები

4.1. მიმწოდებელი ვალდებულია:

ა) უზრუნველყოს წინამდებარე ხელშეკრულების მე-2 მუხლით გათვალისწინებული მომსახურების გაწევა, დანართი N1-ის და ვაკის რაიონის გამგეობის მიერ გამოცხადებული გამარტივებული ელექტრონული ტენდერის SPA \_\_\_\_\_ მოცემული ტექნიკური დავალების მიხედვით.

ვ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;

ზ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

## 5. ხარისხი

5.1 ხელშეკრულებით გათვალისწინებული მომსახურების ხარისხი უნდა შეესაბამებოდეს შემსყიდველის მოთხოვნებს.

## 6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნის შესაბამისად.

6.2 ინსპექტირებას შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები).

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი/ხარვეზი გაწეულ მომსახურებაში, მიმწოდებელი ვალდებულია შემსყიდველის მიერ წერილობით განსაზღვრულ გონივრულ ვადაში გამოასწოროს ის.

6.4 თუ ამ მუხლის 6.3 პუნქტით გათვალისწინებული წუნის/ხარვეზის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ წუნის/ხარვეზის გამოსწორება, ხოლო წუნის/ხარვეზის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.

6.5 მიმწოდებელმა ხელი უნდა შეუწყოს შემსყიდველს ინსპექტირების განხორციელებისას.

## 7. მომსახურების მიღება-ჩაბარების წესი

7.1 შემსყიდველის მიერ შესყიდვის ობიექტის ან მისი ნაწილის მიღება ფორმდება მიღება-ჩაბარების აქტით შემსყიდველის და მიმწოდებლის უფლებამოსილი წარმომადგენლების ხელმოწერით.

7.2 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ დადგენილ ვადაში. დეფექტის აღმოფხვრასთან დაკავშირებული ვადა თავის მხრივ გავლენას არ ახდენს მომსახურების შესრულების ძირითად გეგმაზე და არ აღემატება ხელშეკრულების მოქმედების ვადებს.

7.3 მომსახურების მიღებას აწარმოებს ვაკის რაიონის გამგეობის თანამშრომლები (უფლებამოსილი პირები).

## 8. ანგარიშსწორება

8.1. ანგარიშსწორების ვალუტა - ლარი.

8.2. ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3. შემსყიდველი იღებს ვალდებულებას გადაუხადოს მიმწოდებელს მიწოდებული გაწეული მომსახურების ღირებულება ეტაპობრივად, მიღება-ჩაბარებების აქტების გაფორმებიდან 10 სამუშაო დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

## 9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ დაუყოვნებლივ უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

## 10. ხელშეკრულების პირობების შეუსრულებლობა

10.1 წინამდებარე ხელშეკრულების მე-4 მუხლით განსაზღვრული ვალდებულების შეუსრულებლობის შემთხვევაში (თითოეული შემთხვევისთვის) მხარეს ეკისრება პირგასამტეხლო ხელშეკრულების ღირებულების 0.1 %-ის ოდენობით.

10.2 წინამდებარე ხელშეკრულებით გათვალისწინებული მომსახურების გაწევის ვადის დარღვევის შემთხვევაში მიმწოდებელს ეკისრება პირგასამტეხლო ყოველი ასეთი დღისათვის ხელშეკრულების ღირებულების 0.1%-ის

ოდენობით.

10.3 წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო ყოველი ასეთი დღისათვის ხელშეკრულების ღირებულების 0.1%-ის ოდენობით.

10.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

#### 11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

#### 12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკების დაწყებიდან 1 (ერთი) თვის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

#### 13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

#### 14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 დეკემბრის ჩათვლით.

#### 15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ ათავისუფლებს ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

#### 16. სხვა პირობები

ხელშეკრულება შედგენილია თანაბარი იურიდიული ძალის მქონე ორ იდენტურ ეგზემპლარად, ქართულ ენაზე, რომელთაგან ერთი გადაეცემა მიმწოდებელს, ხოლო მეორე - შემსყიდველს.

#### 17. მხარეთა რეკვიზიტები:

შემსყიდველი

მიმწოდებელი

1. რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

---

ხელმოწერა

ბ.ა.

გასაწევი მომსახურების ფასების ცხრილი

პრეტენდენტის დასახელება \_\_\_\_\_

| # | მომსახურების დასახელება                                                                       | მომსახურების<br>ღირებულება |
|---|-----------------------------------------------------------------------------------------------|----------------------------|
| 1 | შერეულ ორთაბრძოლაში „ვაკის თასი 2016“-ის ღია ჩემპიონატის ჩატარების<br>ორგანიზების მომსახურება |                            |

\_\_\_\_\_

ხელმოწერა ბ.ა.

ინფორმაცია 2014 წლიდან დღემდე სპორტული ღონისძიების ორგანიზების მომსახურების გაწევის შესახებ დამკვეთების მითითებით

| N <sup>o</sup> | მომსახურების დასახელება | შემსყიდველის დასახელება | ხელშეკრულების ღირებულება (ლარი) |
|----------------|-------------------------|-------------------------|---------------------------------|
| 1.             |                         |                         |                                 |
| 2.             |                         |                         |                                 |
| 3.             |                         |                         |                                 |
| N <sup>o</sup> |                         |                         |                                 |

შენიშვნა:

პრეტენდენტმა ელექტრონულ სისტემაში უნდა ატვირთოს შესაბამისი ღონისძიების ჩატარების დამადატურებელი დოკუმენტები (ხელშეკრულებები, მიღება- ჩაბარების აქტები ან/და სხვ.).

ხელმოწერა \_\_\_\_\_

ბ.ა